

Alver kommune
Postboks 4
5906 Frekhaug

Knarvik 20.02.2023

Innspel til ny Strategisk næringsplan for Alver kommune sak 22/6949

Lindås Sogelag ynskjer å sende innspel til ny Strategisk næringsplan for Alver:

Under tema oppleving, kultur og lokalsamfunn

Alver Kommune er ein del av Nordhordland UNESCO biosfæreområde, denne regionen er valt ut fordi den på ein framifrå måte kan stå som læringsområde for berekraftig utvikling. Dette er regionen som er best eigna til å representere det moderne og framtidsretta, godt rotfesta i vår natur- og **kulturarv**.

Lindås Sogelag meiner at for å kunne ta vare på denne kulturarven for framtidige generasjonar treng ein å få oppretta eit lokalhistorisk museum kor ein har formidlingspersonale med kulturhistorisk og museumspedagogisk bakgrunn. Hovudbasen til eit lokalmuseum kan vera knytt til eit **regionalt kulturhus** i Knarvik, kor ein har ei basisutstilling og skiftande lokalhistoriske utstillingar, det må då og tilretteleggjast for gjenstandsmagasin.

Lindås sogelag har den største gjenstandssamlinga i regionen. Denne omfattar reiskapar, husgeråd og tekstilar, samt båtar og sjøbruksgjenstandar. I tillegg har me ei fin samling av elektronikk og det har kome til ei stor unik samling knytta til postmuseet på Feste.

Den store samlinga treng tilfredstillande magasin. Dette gjeld heile samlinga også båtane sogelaget har i Kraftlagsbygget i Alversund og i ishuset på Myksvoll. Samlinga treng å bli tatt hand om av fagfolk som har ressursar (tid, pengar og kunnskap) for å sikre gode oppbevaringsforhold.

I samlingsplanen til musea i Hordaland står det at Lindås Sogelag arbeider med å realisere eigne planar for permanente magasin/utstillingslokale på Seim og difor ikkje er drøfta i behov for fellesmagasin. Dette medfører ikkje lenger riktigheit, men det vil sei at det er ekstra viktig at dette løysest lokalt.

Det hadde vore ynskjeleg at museet og samlinga var lokalisert på ein lett tilgjengeleg plass og då er eit regionalt kulturhus ein passende stad, særleg med tanke på skuleklassar og viktigheita av å læra å kjenna si historie.

Dei andre kulturminna med stor lokalhistorisk interesse som Skulemuseet, Leivestadtunet, husmannsplassen Vikjæ, stovehuset Roparhaugsamlinga med eiga gjenstandssamling, Gamlestova på Tveiten, Lindås Tuberkuloseheim med fleire kan administrerast frå det regionale kulturhuset.

Alver kommune treng ikkje berre eit regionalt kulturhus ein treng og **aktivitetshus** knytta til nærsentra. Aktivitetshusa kan vera staden der ein syner samlingane meir lokalt, desse utstillingane

må då knytast saman med basisutstillinga og kan vere ein del av ei kulturhistorisk løype kor ein og synleggjer andre kulturminner som Den Trondhjemske postvei mm. Dette vil då ikkje berre kunne vera tilgjengeleg for skuleklassar og lokalbefolkninga, men og for tilreisande turistar. Dette må samkøyrast med andre etablerte institusjonar som feks Lyngheisenteret og Utvandarsenteret på Radøy. Alver kommune manglar turistinformasjon, denne funksjonen kunne og vore her.

Dei frivillige er ein viktig ressurs i arbeidet med å ivareta lokalhistoria og det vonar me at dei også vil vera i framtida, men det er ei utfordring at frivillige styrer dei frivillige. Her kan ein sjå til andre museum kor ein har ein frivilligheitskoordinator som styrer dette arbeidet og ein får nytta desse ressursane på ein betre måte.

Anne Mette Prestegård

Samlingsansvarleg Lindås Sogelag

På vegne av Lindås Sogelag